




Broj: 07-2-225-1/25

Sarajevo, 01.04. 2025. godine

Bosna i Hercegovina
Federacija Bosne i Hercegovine
KANTON SARAJEVO



SKUPŠTINA KANTONA SARAJEVO
N/r predsjedavajućeg Skupštine Kantona
Ulica: Reisa Džemaludina Čauševića broj 1
71 000 Sarajevo

PREDMET: Izjašnjenje po zastupničkom pitanju – dostavlja se

Veza: Vaš broj i datum, 01-04-8708-8/25 od 14.03.2025. godine

Dana 20.03.2025. godine Kantonalna javna ustanova za zaštićena prirodna područja je zaprimila Predmet – zastupnička inicijativa, dostavlja se. Dopisom se traži da se ova javna ustanova očituje na zastupničku inicijativu upućenu od skupštinske zastupnice Marijele Hašimbegović u kojoj se navodi slijedeće :

1. Upućujem inicijativu radi dostavljanja Ugovora o prodaji asortimana na panju putem licitacije za 2023 i 2024 godinu na uvid. U odgovoru očekujem prezentiranje tokova novca nakon prodaje asortimana, na koji način i kome se uplaćuju sredstva od prodaje. Takođe želim da mi se dostavi informacija ko vrši monitoring prilikom sanitarne sječe i kako i na koji način se vrši zaštita od zloupotrebe od recimo zamjene pločica na klasi građe.

U istoj zastupničkoj inicijativi se kroz obrazloženje navodi i slijedeće :

Zakonska obaveza KJU za zaštićena prirodna područja Sarajevo je briga o šumama i godišnja sanitarna sječa bolesnih stabala. KJU za zaštićena područja Sarajevo potpisuje Sporazum sa KJP Sarajevo – šume” d.o.o. da u njihovo ime vrše sanitarnu sječu jer navodno oni nisu kapacitirani za ove poslove. Ovim putem želim utvrditi da li na osnovu ovog Sporazuma KJP “Sarajevo – šume” d.o.o. u praksi vrši ove poslove ili angažuje podizvođače, koji ponovo angažuju treća lica radi izvršenja sječa. U ovim vrlo zamršenim aktivnostima vezanih za sanitarnu sječu opravdano se postavlja pitanje o tokovima novca prikupljenog prodajom asortimana. Ko na kraju i kojem iznosu prihoduje od ove sječe šume?. U isto vrijeme budžet KS planira sredstva za sječu šume koja je dodjeljena i KJU za zaštićena prirodna područja Sarajevo i KJP Sarajevo – šume d.o.o.

U kontekstu gore navedenog dostavljamo slijedeće očitovanje:

ODGOVOR

Javna ustanova upravlja Spomenikom prirode "Skakavac", Zaštićenim pejzažem "Bijambare", Spomenikom prirode "Vrelo Bosne", Zaštićenim pejzažem "Trebević" i Zaštićenim pejzažem "Bentbaša" u skladu sa propisima o proglašenju zaštićenih prirodnih područja, prostornim planovima područja posebnih obilježja, planovima upravljanja i drugim propisima.

Delokrug djelatnosti Javne ustanove je zaštita, održavanje i promocija zaštićenih područja u cilju zaštite i očuvanja izvornih prirodnih vrijednosti, osiguranja nesmetanog odvijanja prirodnih procesa i održivog korišćenja prirodnih dobara, te nadzora nad provođenjem uslova i mera zaštite na područjima na kojima upravlja. Javna ustanova nadzire i način obavljanja dozvoljenih djelatnosti, u cilju osiguranja racionalnog i održivog korištenja prirodnih dobara.

Kako KJU za zaštićena prirodna područja kao korisnik šuma sa Ministarstvom privrede Kantona Sarajevo nije nikada potpisala ugovor o prenosu poslova gospodarenja državnim šumama kojim bi bila jasno definisana njena prava, zadaci i odgovornosti i to naročito kada je u pitanju sanitarna sječa, niti je trenutno ova vrsta aktivnosti precizno definisana osnivačkim i drugim općim aktima Ustanove, nisu razvijeni vlastiti kapaciteti za organizaciju i provođenje sanitarne sječe kao i mogućnost stavljanja u prodaju šumskih drvnih sortimenata koji bi nastali izvršenjem iste.

Sveobuhvatna primjena u praksi je riješena na način da Ustanova vrši kontinuirano čuvanje šuma od bespravnihi sječa, zaštitu šuma u smislu kontrole prisustva šumskih štetnika koja se odvija u skladu s utvrđenim naučnim i zakonskim procedurama, efikasno provođenje uspostavljene protiv – požarne zaštite, kao i provođenje kontinuiranog monitoringa biodiverziteta šumskih ekosistema koji obuhvata inventarizaciju staništa i vrsta, a sve u cilju definisanja odgovarajućih mjera za njihovo očuvanje.

Provođenje sanitarnih sječa u cilju očuvanja zdravstvene stabilnosti šuma u državnim šumama riješeno je sporazumom sa KJP "Sarajevo-šume" d.o.o. Sarajevo.

Radovi na vršenju sječe, izvoza, otpreme i prodaje šumskih drvnih sortimenata koji su predmet sanitarne sječe je u domenu poslovanja i odgovornosti KJP „Sarajevo – šume“, tako da Ustanova nije upoznata sa visinom troškova i prihoda ostvarenih prodajom šumskih drvnih sortimenata.

U okviru svojih nadležnosti Ustanova vrši nadzor nad načinom obavljanja ove vrste zahvata u cilju kontrole uticaja radova na ustanovljene prirodne vrijednosti.

Naša odgovornost je da nadgledamo i osiguramo da aktivnosti koje su vezane za sječu i izvoz šumskih sortimenata ne ugrožavaju prirodne vrijednosti, ali nemamo ingerencije u pogledu kontrole poslovanja KJP Sarajevo- šume, niti vršimo kontrolu procesa klasiranja šumskih drvnih sortimenata. Naša uloga se fokusira na proveru da se sječa i druge aktivnosti vrše u skladu sa važećim ekološkim standardima i zakonodavstvom, sa ciljem očuvanja prirodnih resursa, biodiverziteta i ekološke ravnoteže u sve u skladu sa Zakonom o zaštiti prirode Federacije BiH i usvojenim planovima upravljanja za područja kojima upravljamo.



Kantonalna javna ustanova za zaštićena prirodna područja posluje preko Jedinstvenog računa Trezora Kantona Sarajevo, te se nalazi u Registru bužetskih korisnika Kantona Sarajevo. Budžet Kantona Sarajevo se priprema po proceduri definisanoj Zakonom o budžetima Federacije i usvaja se od strane Skupštine Kantona Sarajevo kao zakonodavnog organa. U okviru Budžeta Kantona Sarajevo se nalazi i budžet Javne ustanove kao jednog od budžetskih korisnika.

Sredstva za rad i obavljanje osnovnih djelatnosti Ustanove obezbjeđena su iz Budžeta Kantona Sarajevo, donacija i transfera od drugih nivoa vlasti po osnovu odobrenih projekata.

Ustanova nema vlastiti račun i raspolaže sredstvima u skladu sa Zakonom o izvršavanju Budžeta Kantona Sarajevo i drugim zakonskim i podzakonskim aktima, te je njeno poslovanje na ovaj način transparentno i kontrolisano uspostavljenim zakonskim procedurama.

Takođe želimo istaći da su se od osnivanja Javne ustanove za zaštićena prirodna područja, radovi na sječi i prodaji šumskih drvnih sortimenata nastalih sanitarnim sječama, na osnovu potpisanih sporazuma, izvodili od strane KJP "Sarajevo-šume" d.o.o. Sarajevo.

Zbog nejasnih zakonskih rješenja u smislu nadležnosti i obaveza kada su u pitanju radovi poput doznake stabala, izrade projekata, sječe, izvoza, otpreme i prodaje šumskih drvnih sortimenata, Javna ustanova je prema Ministarstvu privrede i Ministarstvu komunalne privrede, infrastrukture, prostornog uređenja, građenja i zaštite okoliša, uputila Inicijativu za preduzimanje aktivnosti u svrhu izmjena i dopuna zakonske regulative u odnosu na ulogu i status Kantonalne javne ustanove za zaštićena prirodna područja.

U navedenoj inicijativi je navedena hitnost u potrebi za iznalaženje rješenja koje podrazumjeva potrebne izmjene i dopune zakonske regulative koja će jasno definirati ulogu KJU za zaštićena prirodna područja, kao i po potrebi proširiti djelokrug rada ove Ustanove kako je definiran Odlukom o osnivanju koja je donesena od strane Skupštine Kantona Sarajevo, a sve u cilju provođenja svih adekvatnih mjera radi zaštite šuma u zaštićenim prirodnim područjima.

S obzirom da se radi o međusektorskom problemu, te da su KJP "Sarajevo-šume" i KJU za zaštićena prirodna područja u nadležnosti različitih ministarstva, smatramo da konačno rješenje u ovim zamršenim aktivnostima vezanim za sanitarnu sječu, podrazumjeva uspostavu hitnog dijaloga između nadležnih ministarstava, te uključivanje Vlade Kantona Sarajevo.

S poštovanjem,


Harita Colaković, dipl.ing.šum.



Dostaviti:

- Naslovu
- Arhivi Javne ustanove